

من غيرك احنا ضعاف !!..

مدتنيش على قد ذنوبي ارحم منى يا رب عليا

دايما ساتر كل عيوبي حتى اوحش حاجة فيا

بتقويني وبتنجيني حتى ف عز ما قلبي بباعد

ألقاك دايما واقف جنبي اقرب منى ليا



وأرجع لذنوبي واتمادى

وانت يا رحيم كالعادة

بتسامح واوام تغفر

وكتير على بعدك تصبر يا ربي عليه بزياده



وبالي يروق والاقى روحى ليه اهدا

ما دام ماشي ف نور الله وباتوضا

ده من ضيه تدوب التوهة والعتمه

والاقي ف قربه ميت سنده

ولما باتوه وعنه بغيب

يئن قلبي ف ضلوعى كانه غريب

والاقي نجاتي بين أيدى

ده ربك عنده الترتيب



ومفيش غيرك يا ربي فى الكون ده يحمينا

تاخذ بأيدينا نعدى تسندنا وتنجيننا

ولا بذنوبنا تاخذنا

مهما عنك بعدنا برضه انت اقرب ما لينا



الشيلة علينا ثقلت من غيرك احنا ضعاف

بقينا ف عز النور بقينا من بعض نخاف

الحل يارب عندك ودا ابسط اعتراف !!..